



Swaarkry verruim ons denke

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan produksie@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Maak die plek vir jou tent groter ... Want na regs en na links sal jy uitbrei (Jes 54: 2 en 3, AFR2020).

Daar is 'n opmerklige verband tussen die vervolging van God se kinders en die verspreiding van die boodskap van God se genade.

Die tyd toe die volk Israel hulle in ballingskap in Babilonië bevind het (586-539 vC), is 'n goeie voorbeeld. Dit was vir die volk 'n traumatiese ervaring. Tog was dit 'n besonder vrugbare tyd in terme van die ontstaan van die Ou Testament. Groot gedeeltes van die Ou Testament is dan ook in hierdie tyd vanuit 'n nuwe perspektief hersien. Dit is in dié tyd dat die insig na vore gekom het dat God se verlossing nie net vir Israel bedoel is nie, maar dat dit God se doel is om 'n gebroke wêreld heel te maak.

Die boek Handelingte getuig ook daarvan. In Handelingte 14: 1-7 lees ons byvoorbeeld hoe Paulus en Barnabas aanvanklik met vrymoedigheid in Ikonium die boodskap van God se genade verkondig het. Later moes hulle egter vlug na Listra en Derbe en het hulle daar die evangelie bly verkondig. In dié tyd is baie van die briewe in die Nuwe Testament geskryf om gemeentes in hul moeilike omstandighede te bemoedig. Die vier Evangelies het ook ontstaan in 'n tyd toe die vroeë kerk vervolgt is.

Ons is geneig om ons in tye van swaarkry aan die samelewing te wil onttrek en net op ons eie behoeftes en omstandighede te fokus. Dit is menslik en verstaanbaar. Maar ons moet nie uit die oog verloor nie dat God se Gees ons deur swaarkry en teenkanting tot nuwe insigte kan bring en ons denke oor ons roeping as sy dissipels verruim. In tye van swaarkry en nood, is daar juis 'n groter behoefte aan God se boodskap van hoop en bevryding.

Ondanks 'n tweede jaar wat deur Covid-19 omvergewerp is, het Bybelgenootskappe wêreldwyd in 2021 daarin geslaag om Bybels en Bybelgedeeltes in 90 nuwe tale te vertaal. Die volledige Bybel is nou beskikbaar in 719 tale. Altesaam 7,1 miljard mense beskik nou oor 'n Bybel of ten minste 'n seleksie daarvan in hul moedertaal. Deur God se genade het groter samewerking, ontwikkeling in tegnologie en donasies die afgelope jare tot ongekende momentum in Bybelvertaling gelei.

Ook ons as Kerk het hieraan deel. Baie dankie vir elke lidmaat, kerkraad en predikant se positiewe gesindheid teenoor die Bybelgenootskap van Suid-Afrika. Dit is alleen deur God se genade dat u bydraes dit moontlik maak om met hierdie werk te kan voortgaan. Wanneer ons op Sondag 21 Augustus vanjaar met Bybelsondag 'n spesiale offergawe opneem, dan doen ons dit ook ter herinnering aan die opofferings wat die martelare in die kerk se geskiedenis gemaak het sodat die evangelie van God se genade vandag aan mense beskikbaar gestel kan word.

Ons is dankbaar vir donateurs en vennootskappe wat dit vir miljoene meer mense moontlik maak om toegang te kry tot die hoop en vertroosting van God se Woord.

Dr Gerhard Lindeque, Bybelgenootskap van Suid-Afrika

Lief en leed



Mev Mariet Bacon

- Ds Marius Bacon (emeritus/Rust der Winter) se moeder, **mev Mariet Bacon**, is verlede week oorlede. Haar roudiens het op Dinsdag 9 Augustus vanuit Gemeente Swartkop plaasgevind. Haar seun Japie is op 18 Junie vanjaar oorlede. Ons innige simpatie gaan aan haar man, mnr Francis Bacon, en hul familie.
- **Dr Wouter van Wyk** (Sekretaris: Kommissie van die AKV) het verlede Saterdag met sy bergfiets geval en sy regterhand beseer. Hy het Maandag 'n operasie ondergaan om die skafoëdbeentjie in sy hand te heg. Dit beteken nou twee weke in 'n spesiale soort gips, daarna nog vier weke in 'n stut, en twee tot drie maande se rehabilitasie. Ons wens hom baie sterkte toe!
- **Die volgende predikante verjaar tot 19 Augustus, en word hartlik geluk gewens:**
 - Saterdag 13 Augustus: Ds JMJ (Jan) de Wet (76) (emeritus)
 - Donderdag 18 Augustus: Dr GMJ (Gafie) van Wyk (64) (Kaapstad)
 - Vrydag 19 Augustus: Dr CJ (Christo) Viljoen (90) (emeritus), di HF (Hennie) la Grange (62) (Kampersrus) en JD (John) Putter (69) (emeritus)

Gemeentes en bediening



Dr Johan Bester

- **Dr JP (Johan) Bester** van Pretoria-Noorderlig (deelyds) het 'n beroep ontvang na Randfontein Midpark.



POS BESKIKBAAR:

**Musiekkoordineerder
en begeleier**

met ingang 1 September 2022

**Hervormde Kerk
Middelburg-Noord (Kanonkop)**

**Kontak Colin Hertzog vir inligting
082 326 7312**

- **Sondag 21 Augustus: Bybelsondag**
Spesiale deurkollekte vir Bybelgenootskap van Suid-Afrika
Die besondere vennootskap tussen die Kerk en die BSA om bekostigbare Bybels te voorsien, strek al oor baie jare. Soos aanbeveel deur die Kommissie van die AKV, vind die **jaarlikse deurkollekte** vir die BSA vanjaar plaas op Sondag 21 Augustus. Dit staan bekend as Bybelsondag en val saam met die herdenking van Bartolomeusdag. Die vervolging van die kerk het in die geskiedenis gewoonlik gelei tot die verspreiding van die evangelie. Die **deurkollekte is vervroeg** omdat Hervormingsondag (30 Oktober) te naby aan die einde van die BSA se finansiële jaar is en die bydraes dan nie betyds inbetaal kan word nie. Gemeentes word dus versoek om die deurkollekte van Sondag 21 Augustus so gou moontlik daarna aan die BSA oor te betaal.
- **HOOP IN BEWEGING: UITDAGING 2022**
Gemeente Outeniqua daag weer vanjaar al die ander gemeentes van die Kerk uit om in te skryf vir die **Draf-Stap-Trap vir Bybels** en die afstand na hulle toe virtueel af te lê. Outeniqua sal dan die uitdaging beantwoord deur dieselfde afstand ook virtueel af te lê. Outeniqua is bereid om met die gemeente wat die verste afstand aflê, te beraadslaag om saam 'n projek aan te pak. Die Bybelgenootskap sal 'n aantal Bybels en boekies met Bybelverhale aan die twee gemeentes skenk om na goeë dunnke aan te wend. Skryf **hier** in as groep.

Vergaderings

- Donderdag 11 Augustus: Rata Finkom
ADV Dagbestuur
- Vrydag 12 Augustus: Oudit- en Risikokomitee
- Woensdag 17 Augustus: Rata Direksie

Studentesake

- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.
- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.

Toerusting

- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeentewees) gratis oor 'n periode van ses weke aan. Dit vind plaas via Zoom, van 09:00 tot 11:00, en wel nog op die volgende vier datums:
 - Die herontdekking van die missionale aard van die gemeente: 11 Augustus
 - Die herontdekking van dissipelskap: 18 Augustus
 - Die herontdekking van missionale spiritualiteit: 25 Augustus
 - Die herontdekking van missionale luister in die gemeenskap: 1 September

Join Zoom Meeting

<https://us02web.zoom.us/j/9427689935?pwd=d3d3K1N1cDU0a1plZCtjSS9ZSFY4dz09>

Meeting ID: 942 768 9935

Passcode: SGB

Navrae: Dr Frikkie Labuschagne by karen@nhk.co.za

- **Excelsus: Lentekonferensie (aanlyn)**
20-22 September 2022
Vreugde in oorvloed: Geloof in 'n tyd van skaarste
NHKA-deelnemers: Proff Tanya van Wyk en Jaco Beyers
Inskrywingsgeld per elektroniese oorplasing
Bewys van betaling na excelsus@up.ac.za
Kursusfooi: R360
Inbetalings: TSO, ABSA, takkode 632005, rekeningnommer 142 0830 463
Verwysing: LK plus naam en van van individu, of
LK plus naam van gemeente indien vir meer as een betaal word
Kansellasiefooi:
Voor of op 31 Augustus: 50% van die kursusfooi
Na 13 September: 100% van die kursusfooi
Ontvangs van inskrywing geskied per e-pos
(Indien e-pos nie voor 13 September 2022 ontvang word nie,
kontak Rika by excelsus@up.ac.za)
- **Gereformeerde Teologiese Werkgemeenskap**
Jaarlikse konferensie 2022: 27 September
Tema: *Gereformeerde bediening vandag: Impak, uitdagings en geleenthede*
Subtemas: Toepaslike prediking; worsteling met sekularisme; gebruik van tegnologie tot voordeel van die bediening; bediening van alle mense in die moderne konteks; doeltreffende pastorale werk wat op spesifieke groepe fokus (bv jeug, enkellopendes, bejaardes);

voortgesette teologiese opleiding; en die behoefte aan Christelike dienende leierskap

Plek: Teologiese Skool Potchefstroom / Aanlyn

Koste: In persoon R300 (sluit verversings en middagete in); aanlyn R100

Program: Word nader aan die konferensiedatum gepubliseer

Om vir die konferensie te **registreer**, stuur jou kontakbesonderhede en bewys van betaling aan Mohau Ntlhe (mohau.ntlhe@nwu.ac.za) **voor 31 Augustus**.

Bankbesonderhede

Rekeningnaam: In die Skriflig

Bank: ABSA

Tak: 632005

Tjekrekeningnommer: 670411664

'n Gedig

slaap my kind
die wind
lê in die gannabos
die wind
lê in die skilpadbos

slaap my kind
die reën
het opgestaan
die reën
het opgestaan

slaap my kind
die wind
is blink
die wind
is blink

slaap my kind
kapokbos blom
die môre kom

Dolf van Niekerk

(Uit: *Karoosange*, 1975)

Fondsinsamelings

- Die jaarlikse **Draf-Stop-Trap vir Bybels** se inskrywings is nou oop! Jy kan op enige plek en enige dag **tussen 1 en 21 Augustus 2022** deelneem. Inskrywings kos **R100 per persoon** en help die Bybelgenootskap om Bybels beskikbaar te stel. Elke deelnemer kry 'n nommer asook 'n bewys van deelname. Skryf **hier** in. Baie dankie dat jy 'n Saaier van Hoop is!



- **Rata se Gholfdag ten bate van Kinderbeskerming.** Rata Maatskaplike Dienste se jaarlikse Gholfdag vind vanjaar op **23 Augustus by Silver Lakes Golf & Wildlife Estate** plaas – dit is hul agtste Gholfdag. Rata vra vir ondersteuning in die vorm van vierbalinskrywings, borgskappe en pryse. Inskrywingsvorme, borgskapsvorme en meer inligting kan aangevra word van Annelle by info@rata.org.za of 064 437 5997.



- Rata **DRIVE for a CHILD Gholfdag-kompetisie.** Ondersteun kinderbeskerming en staan 'n kans om 'n **VIERBAL ter waarde van R4 600** te wen by Rata se Gholfdag op 23 Augustus. Vierbal, twee gholfkarretjies, middagete en aandete by die prysuitdeling ingesluit. **Inskrywingsfooi slegs R100.** Stuur asseblief bewys van elektroniese betaling aan fin@rata.org.za. Kontak Annelle by 064 437 5997 vir meer inligting.

Bankbesonderhede

Rata

Absa tjekrekening 020 600 209

Takkode 632 005

- **Vrydag 2 September: Gemeente Oos-Moot**

SANGAAND VANAF 19:00

Kunstenaars: Jannie Moolman & Helena Ceronio

NG Kerk Queenswood in Garretweg 249, Queenswood, in kerkgebou

R150 per persoon (geen sitplekaanwysings)

Elektroniese betalings na:

NHKA Oos-Moot

ABSA-tjekrekening nommer 143 058 0201

Tak 632 005

Verwysing: Sang & Van (bv Sang Botha)

Stuur bewys van betaling na nhkaosmoot@gmail.com

of WhatsApp / Telegram / SMS na 078 877 6732

(reëlins sal met u getref word om die kaartjies by u te kry)

Kaartjies ook beskikbaar by NHKA Oos-Moot, Collinslaan 1265, Môregloed

Tydens pouse sal eetgoed te koop wees –

geen eet en drink word in die kerkgebou toegelaat nie

Kontak Magdaleen van der Schyff by 012 333 4918 of 064 907 7611

MARKAAND VANAF 16:30

NG Kerk Queenswood in Garretweg 249, Queenswood

Witlifanttafel en heerlike eetgoed te koop

Kom ondersteun ons asseblief!

- **Oornagfasiliteite: Seniordal.** Seniordal beskik oor oornagfasiliteite wat ideaal is vir persone wat vergaderings, die AKV of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings,** kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

Barmhartigheid

- **ADV-webinaar: 24 Augustus om 19:00**

Reis saam met mense in nood

Kom luister na Quinton Adams, *The Shack Builder*

Registreer [hier](#)

- **Rata Maatskaplike Dienste** vra vir ondersteuning in die vorm van **skenkings of kontantdonasies** vir **SORGPAKKIES** vir babas en kinders, vir gesinne wat op kort kennisgewing en in krisissituasies babas en jong kinders inneem om hulle tydelik te versorg. Dit gebeur dikwels dat kinders skielik beveilig moet word, en gewoonlik het hulle slegs die klere aan hul lyfies en 'n plastieksakkie met karige ekstras by hulle. Dit gebeur toenemend dat babas kort na geboorte beveilig moet word, en normaalweg kon die mammas nie eens vir die basiese benodighede voorsien nie. Van die pakkies sal ook op Rata se Gholfdag (23 Augustus 2022) opgeveil word ten einde die nodige fondse vir hul kinderbeskermingswerk

in te samel. Pakkies sal **tussen 15 en 19 Augustus** by gemeentes in Pretoria afgehaal kan word. Reël asseblief met Annelie by info@rata.org.za of 064 437 5997.

Gemeentes buite Pretoria kan gerus ook deelneem aan die projek deur 'n finansiële skenking vir 'n pakkie te maak. Bydraes kan inbetaal word by Rata, ABSA, tjekrekening 0020600209, verwysing "Gemeentenaam + Gholfdag", waarmee Rata dan voorrade sal aankoop. Stuur asseblief die betalingsbewys na fin@rata.org.za.

Gebruik gerus eie oordeel oor die pakkies. Die onderstaande lysies is slegs voorstelle:

BABASORGPAKKIE

- Babaformules: NAN of Infacare.
- 'n Pak weggooidoeke – pasgebore tot 24 maande. Dui asseblief die grootte op die pakkie aan.
- Fopspeen en bababottel.
- Handdoek, waslappie en babaseep. Die kop-tot-tone vloeibare seep werk baie goed (verkieslik hipo-allergenies).
- Kombersie.
- 'n Sagte speelding en/of 'n ratel.
- Babasak.

KINDERSORGPAKKIE

- Waslappie en seep, tandeborsel en tandepasta vir kinders onder 12.
- Lyfroom, byvoorbeeld Vaseline Intensive Care.
- Skryfpakkie met 'n pennesakkie, ± twee blou penne, HB-potlode, 'n uitveër, liniaal en skerpmaker (met 'n bakkie vir die snysels).
- Kleurpotlode.
- Notaboekie.
- Boek met Bybelverhale.
- Tennisbal.
- 'n Pakkie skyfies en lekkertjies (asseblief nie sjokolade wat kan smelt nie).
- Rugsak.

• **DPS Pleegsorg: Kamp**

3-7 Oktober 2022

Tarentaalpan, Thabazimbi

Indien u sou belangstel om een van die 36 kinders te borg teen R1 500 per kind, kontak **Suzanne van Deventer** by suzanne@rata.org.za of 066 477 8904. **Inbetalings** kan ook gedoen word by: Kinderhuise van die NHKA, ABSA Besigheidsrekening, rekeningnommer 020 390 093, takkode 623 0005, beskrywing Oktoberkamp (e-pos bewys van betaling na suzanne@rata.org.za). Hierdie is 'n geleentheid om te belê in 'n kind se toekoms. Saam skeep ons 'n beter môre. U is ook welkom om ons **webwerf** te besoek by www.pleegsorg.org.za of ons **Facebook-blad** by DPS Huise om op die hoogte te bly van die nuutste ontwikkelinge.

• **Athalia Uitreik in Bloemfontein**

Verblyf vir en versorging van bejaardes en gestremdes

Enkel- en deekamergeriewe in 'n huislike atmosfeer

Verblyf met 3 etes ingesluit

Verblyf sonder versorging R1 700 per maand

24-uur-versorging onderhandelbaar

(maksimum R8 000 per maand deekamer)

Navrae: 079 826 6363 / 084 023 0315 / 051 522 6089

navrae@athalia.co.za

www.athalia.co.za

- **Louis Trichardt-behuisingskompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.

- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.

- **Seniordal-aftreeoord**

Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoningstel (*Bachelor*): R510 000

Eenslaapkamer: R515 000

1½-slaapkamer: R520 000

Tweeslaapkamer: R560 000

Navrae: Salomie Stolz 012 329 4318 / 083 308 0520



Betaalde advertensies in hierdie nuusbrieff

Die koste van advertensies is **R250 per plasing (BTW ingesluit)**. Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.

Meer besonderhede oor advertensies kan aangevra word van produksie@nhk.co.za.

Gebed vir die week

Hemelse Vader,
ek kyk om my rond
en oral sien ek weemoed en verdriet.
Die lewe is vir baie van ons ondraaglik moeilik.
Die bose seëvier, en die regverdiges kry swaar.
Ek soek na antwoorde,
maar niks maak meer sin nie.
Vertroos ons, Here.
Stuur u Gees om vir ons vrede en begrip te bring.
Laat u liefde in my hart ontvlam,
sodat ek in staat sal wees
om die pyn van my naaste te verlig
en u Naam te verheerlik.
Ek vra dit in die Naam van u Seun.
Amen.

www.happierhuman.com

(Afrikaanse verwerking: Tessa Oppermann)